

La statistica da giaglioffa dal Grischun: «Durchblick 2013 – Graubünden in Zahlen»

Cuira, ils 12 da november 2013 – La statistica da giaglioffa «Durchblick 2013 – Graubünden in Zahlen» da la Banca Chantunala Grischuna e da l'Uffizi per economia e turissem dal Grischun è cumparida dacurt. Cun cifras actualas, tabellas survesaivlas e graficas attractivas illustrescha la brochura il svilup demografic, social ed economic dal chantun Grischun.

La statistica publica è in element indispensabel dal sistem d'infurmaziun d'ina societad democratica. Grazia ad ella han tut las gruppas d'interess il medem access a datas da tut ils plauns statals. Las infurmaziuns vegnan adina elavuradas e publicgadas da maniera ch'ellas èn objectivas, autenticas e transparentas. Uschia èn ellas ina funtauna indesistibla per ils pli divers aspects dal mintgadi.

Dapi prest trais decennis publicgeschan l'Uffizi per economia e turissem e la Banca Chantunala Grischuna communablamain la statistica da giaglioffa «Durchblick – Graubünden in Zahlen». Ella infurmescha cun agid da cifras, tabellas e graficas davart ils pli impurtants secturs da la vita sociala, politica ed economica.

La brochura en lingua tudestga è gratuita e po vegnir retratga a tut ils spurteglis da la Banca Chantunala Grischuna e tar l'Uffizi per economia e turissem dal Grischun. Ina versiun electronica en tudestg e talian stat a disposiziun sco datoteca PDF sut www.gkb.ch/publikationen.

A Vossas dumondas respunda gugent:

plutarch.chiotopulos@gkb.ch

Redactur Marketing & communicaziun | +41 81 256 83 13

Banca Chantunala Grischuna – il leader en il Grischun

La Banca Chantunala Grischuna porscha tut quai ch'ì dovra per ina banca universal moderna – per persunas privatas, l'economia ed il maun public. La banca occupa l'090 collavuraturas e collavuratur (stadi dals 30-06-2013). En il chantun Grischun cun sias numerusas vals e pliras linguas, è l'interpresa represchentada cun 66 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive SA ed a la Private Client Bank SA a Turitg. En il rendaquint semestril preschenta ella cun ina summa da bilantscha da CHF 19,087 milliardas in gudogn brut consolidà da CHF 109,2 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2013:	7 da favrer 2014
Radunanza dals participants:	12 d'avrigl 2014

chascha postala
7002 Cuira
Tel. +41 (0)81 256 91 11
Fax +41 (0)81 256 99 98
www.gkb.ch